



## LA ZOT PA POU LES TONBE, NEPLI PILE

**L**adres Lider Lopozisyon oswa LOTO, ti pe adres gouvènmman oswa en mesaz ti pe ganny pase ek Lopozisyon ? Ondire pistol i vir lo gouvènmman me bal pour en lot target. Sa miting irzan Arpan Ver, ti pou sanz direksyon oswa pou 'realign' zot ladres ?

Atraver son prop ladres, LOTO pa'n dir ki nanryen i mal ek sa bidze me plito i'n vin ek ta sizesyon popilis, bankal e diskriminatwar- serten vye sizesyon SNP. Ondire i'n anv'i montre son lotorite dan l'opozisyon. I oule dir li ki tontonn. Sa i zot problemn. En problemn lafanmir.

## ME KESTYON KI NOU DEMANDE AKOZ FERM LARME ?

**K**onmdir enn zot Kzans- en koudeta san fizi i iminan? Seselwa tya kontan tann bann Irlande dir ki kalite lentelizans ki zot i'n fer ?

E zot a donn en lopinyon si fodre ferm larme ou pa. Nou pa kapab zis krwar Wavel ki Sesel pa bezwen en larme. Eski i pe sizere ki SPDF i fer 'redundancy'?

Se nou bann zonn ek fanm brav dan liniform larme ki ti fer taye

mersener an 1981 e protez nasyon Seselwa e teritwar Sesel. Ki sa rimer bann mersener Bilgarien ek AK47 dan en gro lotel dan sid lannen pase ?

Wavel i dir kit zis younit hijack ek airwings ? Nou lentere personnel ti kot airwings? Sesel i vilnerab

parey nenport ki pei dan en monn ki anba menas tou kalite mannev danzere. Larme Sesel i konpri bann Seselwa ki pare pour defann zot pei.

Zot patriotik anver zot pei e krwar senserman dan sa latas ki zot annan. Nou dormi byen aköz zot. Par

kont, pa tou Seselwa ki dormi byen apre sa kalite politik saboule e dan semen lannen pase par l'opozisyon.

Nou pa dir ferm l'opozisyon, nou dir l'opozisyon vin responsab e pa dezespere pour pouvwat.

*Rann larzan nou dalon ki zot  
zanfan i dan lekol prive ?*

# Rann larzan nou dalon ki zot zanfan i dan lekol prive ?

**M**e ki sistenm Wavel pe fer retournen? Dan Sesel, i annan en swa pour en sitwayen met son zanfan dan lekol prive, oswa i les son zanfan benefisye anba en sistenm

ledikasyon gratwit e obligatwar ziska S4.

Ki kantite profesyonnel ki sa sistenm i'n prodwir? Nou bann zanfan i arive ziska dan bann pli o liniversite dan lemonn. Akoz ki gouvrenman i merit rann larzan en paran ki swazir

pour met son zanfan dan en lekol prive? Be dan sa ka, sa bann dimoun pa pou pey taks si zot larzan i ganny rann.

Sanmenm sa tir fardo lo gouvrenman? Propozisyon Wavel i fer diskriminasyon dan ledikasyon e lasante.

I pe blanm Gouvrenman pour sanz nide lo sa lekol lekselans- se lavwa lepep ki konte, pa zis lavwa Wavel.

Se bann paran ki pe met presyon pour tir diskriminasyon dan zot kominote.

## *Lekel ki ti dir gouvrenman pa kapab zis donneren ?*

**L**er nou ekout zot Lladres, nou tann zis ogmante, peye e rann.

LDS fek dir dan Lasanble ki gouvrenman pa kapab zis donneren, ki sa

lepok i'n fini. Ler Jude Valmont ti vin ek mosyon pour demande ki bann lorganizasyon travay i donn loan akoz i ed en dimoun akoz sa loan napa lentere,

pa zot ti vot kont akoz zot dir gouvrenman napa larzan ? La selman rann zot dalon larzan lekol zot piti dan prive, ogmant larzan kot nou bann zanmi e fan-

mir e galan i ete. En bann kontradiktwar ki montre klerman ki lopolizasyon pa pou zanmen kapab fer marse en gouvrenman.

# PA SENM PANIK ?

**N**apa panik pour senmen. Si Wavel i war gouvrenman i dousman- vir son ledrwa lo bann bord.

Zot ki bezwen fer gouvrenman delivre. Lekel sa bann dimoun ki lo bord- bann afiliasyon Parti Lepep

oswa lopolizasyon? Li ki konnen. Eksa ya ganny toupe pour dir tro bokou bord.

Nou, nou siport gouvrenman e nou demann gouvrenman pour kontinyen sa travay ki zot pe fer pour Sesel ek Seselwa kontinyen sorti venker.